



MEKHOA E METLE EA HO RUOA LINOTŠI

SETEREKE SA MOHALE'S HOEK



LENAFU LE GREEN VALE CHAINS

Tlhaloso

Tokomane ena ha e bontše maikutlo a Leano la Ntlafatso ea Machaba a Kopaneng (UNDP) ka tsela efe kapa efe, litaba tse hlahang bukeng ena ke tse fumanoeng liphuputsong tse entsoeng seterekeng sa Mohale's Hoek, le ho manolloa ke bahlahlobi ba temo ka tšebelisano le Mokhatlo oa Lesotho oa Lihoai (LENAFU).

E Phatlalalitsoe ke Lesotho National Farmers Union (LENAFU) le Green Value Chains: 2022



LETHATHAMO LA TSE KA HARE

1.1 SELELEKELA	3
2.0 MEKHOA EA TŠEBETSO	4
2.1 KABO EA LINTLHA	4
2.2 MEKHOA E ILE EA HLAHLOJOA TLASA LIPEHELO TSE LA TELANG	4
2.3 LIHOAI TSE ETETSOENG	4
3.0 SEPHETHO SA LIPHUPUTSO	6
3.1 TLHOKOMELO EA LINOTŠI	6
3.2 TSEHETSO LE PHUMANTSO EA LITSEBELETSO TSA TEMO	10
4.0 BOITLHATLHOBO BO AKARETSANG	10
4.1 TLHOKOMELO EA LINOTŠI LE KHETHONG EA SEBAKA SA TLHAHISO	11
4.2 TLHOKOMELO LE BOPHEKOLI BA MAFU A LINOTŠI	12
4.3 BOHLOEKI KA HARA TLHAHISONG EA LINOTŠI	12
4.4 PHEPO E NEPAHETSENG EA LINOTŠI	12
4.5 POLOKO EA LIBUKA LERUONG LA LINOTŠI	13
4.6 BOEMO BA BOTSEBI KAPA LITHUPELO MABAPI LE LERUO LA LINOTŠI	13
5.0 LIQETO LE KAKARETSO	13
5.1 LIKATLEHO	13
5.2 LIQHOLOTSO	13
5.3 LIKHOTHALETSO	13
6.0 LIBUKA TSE SEBELISITSOENG HO HAHHA TOKOMANE	15

1.1 SELELEKELA

Leruo la linotši ke mofuta oa khoebo moo sehoai se hlokomelang linotši le sehlaha sa tsona ho bona hore linotši li tsireletsehile khahlanong le mafu, lichefo tse thibelang likokonyana, le maemo a chesang kapa a batang haholo. Sehoai se lokela le ho bona hore linotši li ea ja, li ea noa hore li hlahise haholo li hlahisoa tsa boleng bo phahameng molemong oa khoebo.

Linotši li bapala karolo e kholo litabeng tsa tlholeho moo lithusang lijalo ka ho kopanya peo ea botsehali le botona ba sejalo e be litholoana li ba teng. Hona ho bolela hore ntle le linotši lefatše e kaba lesupi hobane ho tlabane ho sena lijo tsa masimong joalo ka poone, mabele, linaoa, le koro joalo joalo. Mekhoa e khothaletsoang ea ho hlahisa leruo la linotši ka mokhoa o baballang tlholeho, e kenyelletsa linotši, le sehoai le tlholeho e leng nthong e le 'ngoe, e bolelang hore lintho tsena tse tharo li ea hlokana hore ho be le tlhahiso e kholo e baballang tikoloho.

Sehoai ha se tšoere linotši tsa sona hantle li tla mo phelela nako e telele li sa khathatsoe ke mafu kapa tsona likokoanyana. Linotši tsona ha li tsoeroe hantle li tla hlahisa haholo, lihlahisoa tsa boleng bo phahameng, li be li boloke tlholeho ka ho thusa lijalo ho hlahisa litholoana. Tlholeho le eona ha e khotsefetse e tla tšehetsa bophelo ba linotši le motho ka hore ho be le lijalo, lipalesa le lifate tse ngata tse fanang ka litholoana, le lijo le lithungthung molemong oa motho le linotši.

Mekhoa e khothaletsoang hape e tšehetsa litaba tsa bo tsebi tlhokomelong ea leruo lena ka hore sehoai pele se qala khoebo ena se fete lithupelong pele, e le hona ho qoba litaba tse ka re senyetsang tlholeho ka ho se tsoaere linotši hantle. Bohloeki nakong ea kotulo ea lihlahisoa le ho lihlophela limmaraka. Sehoai se ntse se sa lebale poloko ea libuka. Lihlahisoa tsa linotši li ngata tseo sehoai se ka li hlahisang molemg oa boipheliso. Lihlahisoa tsena li sebetsa haholo e le lijo kapa eona meriana. Joale tšoarō e ntle le bohloeki li ea hloka hahala e le ho qoba mafu a lijo bathong a ka bakoang ke litsila kapa bohlosoa.

Sepheo sa tokomane ena ke ho fumana hore na ka hare ho setereke sa Mohale's Hoek lihoai tsa linotši li kenya mekhoa ena e khothaletsoang tšebetsong joang.

2.0 MEKHOA EA TŠEBETSO

E le ho fihlela sepheo sa ho fumana hore na lihoai tsa Mohale's Hoek li kenya tšebetsong mekhoa e khothaletsoang ea ho hlahisa linotši, sena se fihletsoe ka ho sheba litokomane tsa khale moo ho neng ho etsoa mesebetsi e tsoanang le ona o etsoang Mohale's Hoek boemo ba machaba. Methati le lintho tse shejoang li entsoe ka ho bapisa le tsa mokhatlo o moholo oa lefatse oa temo (FAO) moo baneng ba kopaneng le mokhatlo o moholo oa lefatse litabeng tse tlhokomelo le bophelo bo nepahetseng ba liphoofole (OIE) moo baneng bahaha tokomane ea mekhoa e nepahetse ea ho hlahisa leruo la linotši. Tokomane ea bobeli bona e ne itsetlehile haholo ho lima lintlha tse tharo feela e leng bophelo bo bottle ba linotši, motho le tikoloho.

2.1 KABO EA LINTLHA

Holima lintlha tsena tse akaretsang tse fanoeng ka holimo, ntlha ka ngoe le eona etla manolloa ho etsa lintlha tse tobang taba hantle ho tloha ho 2.1 ka tlase. Mekhoa oa ho fana ka lintlha ho lihoai oona o ne o arotsoe ka lintlha tse tharo ho tloha ho ngoe hoe a ho tharo tsona li supa tjena;

- 1 Sehoai ha se ea kenya mekhoa e khothaletsoa tšebetsong.
- 2 Sehoai se bontša ho kenya mekhoa e khothaletsoang tšebetsong le haese kaofela.
- 3 Sehoai se kentse mekhoa e khothaletsoang tšebetsong ka hohle-hohle.

2.2 MEKHOA E HLAHLOBILOE TLASA LIPEHELO TSE LATELANG

Boitlhatlhobo bona seterekeng sa Mohale's Hoek bone bo sheba lintlha tse latelang maemo a sehoai sa linotši ka ho botsa lipotso le ho hlahloba maemo a polasi;

- Tlhokomelo ea linotši e kenyelelitse lintlha tsa bohlokoa khethong ea sebaka sa tlhahiso ea linotši.
- Tlhokomelo le bophekoli ba mafu a linotši
- Bohloeki tlhahisong ea linotši
- Phepo e nepahetseng ea linotši
- Poloko ea libuka leruo la linotši
- Boemo ba botsebi kapa lithupelo mabapi le leruo la linotši

2.3 LIHOAI TSE ETETSOENG

Moifo oa bahlahlobi o ile oa etela lihoai tse tharo ka hare ho setereke sa Mohale's Hoek tse hlahisang leruo la linotši. Lihoai tsena li fumanehile litsing tse peli tsa temong e leng Mekaling le Makhaleng Resource Centre. Sehoai sa pele e bile

mofumahali Mamorena Seqao a latelloa ke mohlomphehi Kelebone Matjobe oa ho qetela eaba mohlomphehi Mpho Nqojane

2.3.1 'Mamorena Seqao

Me Mamorena ke mohlhisi oa leruo la linotši, Phatlalla, Mohale's Hoek. Me o qalile khoebo ena ea leruo la linotši ka selemo sa 2018, a qala ka lebokose la linotši tseo a likotseng naheng. Empa ka lebaka la lerato la hae mofuteng ona oa khoebo o qeteletse a holile haholo hoba ha joale re buoa ka mabokose a leshome le metso e mene (14).

Setšoantšo 1: Me Mamorena Seqao sehoai sa linotši Phatlalla



2.3.2 Kelebone Matjobereng

Mohlomphehi Kelebone Matjobereng ke ntate a moholo oa sehoai sa leruo la linotši Holy Cross Mohale's Hoek. Ntate ke sehoai se hloahloa haholo senang le botsebi bo bongata tlhahisong eana ea mofuta ona. Ntate o qalile leruo lena ka selemo sa 2007 ka lihlaha tse 'nene tseo a tllileng le tsona afrika boroa. Ntate Matjobereng o bontsitse hore tsela ena e bile boima haholo hobane o ne a tsamaea naheng ho tsoma linotši tseo le tsona li neng li lula nakoana e be lia baleha. Ntate o bontsitse hape hore o ile a utloela ka mokhoa ao ho koala notsi e kholo (queen excluder) me hona hoile hoa mothusa ho thibela linotši ho baleha. Mamello ea ntate e tsotse katleho hobane kajeno ntate o na le lihlaha tse leshome le metso e mene (14).

Setšoantšo 2: Ntate Matjobereng le lijalo tse fepang linotši ka tsona



2.3.3 Mpho Nqojane

Ntate Nqojane ke sehoai sa leruo la linotši Mesitsaneng, seterekeng sa Mohale's Hoek. o qalile leruo la linotši ka selemo sa 2007. o qalile mosebetsi ka ho haha lihlaha tsa linotši, me kamorao ho mona eaba linotši lia itlisa. Ntate o tlalehile hore haeso tsome linotši e sale e le eena. Polasi ena ha joale ena le lihlaha tse nne tsenang le linotši.



Setšoantšo 3: Ntate Mpho Nqojane

3.0 SEPHETHO SA LIPHUPUTSO

3.1 TLHOKOMELO EA LINOTŠI

3.1.1 Tlhokomelo ea linotši e kenyeletse lintlha tsa bohlokoa khethong ea sebaka sa leruo la linotši

i. Tlhokomeliso ho sechaba ka boteng ba linotši ka hare ho sebaka

Mofumahali Momorena o ile a tsebisa morena le sechaba se mabapi ka boteng ba linotši e le hore baele hloko le ho phema likotsi tse ka bakoang ke linotši. Mohlomphehi Matjobeng ha etsa tlhokomeliso ka liboto, feela o ile a kopana le morena oa hae hore a hlokomelise sechaba ka boteng ba linotši. Mohlomphehi Nqojane le eena ha etsa tlhokomeliso e joalo.

ii. Ketho ea sebaka sa ho beha linotši

Lihlaha tsa linotši tsa Me Mamorena li behiloe sebakeng se ka thoko moo ho senang lerata hape letsatsi le khona ho chabela teng hoseng le matsiboea. Lihlaha tsena li behiloe mabapi le lifate tse etsang moriti. Mohlomphehi Matjobeng lihlaha tsa hae li tlasa leralla me ha li fumane mahlaseli a pele a letsatsi feela mantsiboea letsatsi le lieha ho likela. Lihlaha tsena li lutse ka hara lifate moo li fumanang moriti ha ho chesa haholo hape li potapotiloe ke joang bo bongata botsireletsang lihlaha khahlanong le moea oa mariha o batang. Lihlaha tsa mohlomphehi Nqojane li behiloe moo li chabeloang ke letsatsi feela ntho e ntle haholoholo ke hore li fumana letsatsi le tsoang lipakeng tsa makhasi a lifate me boemo bona boetsa hore sehlaha se sefuthumale hantle feela.

Lihlaha boholo ba tsona li potapotiloe ke lifate tse khutsoanyane le joang bo bolele sebakeng sa ho fokotsa sekahla sa moea o batang.



Setšoantšo 4: Lihlaha sa linotši se potapotiloeng ke lifate le joang

3.1.2 Phepo e nepahetseng ea linotši

Linotši tsa Mohlomphehi Matjobeng li lutse Leraleng moo li fumana ntho engoe le engoe ho iphepa, lihlaha lipotapotiloe ke lifate tse etsang lipalesa, hona le lifate tsa bleikomo tse ratoang ke linotši haholo. Ntate Matjobeng hape o lema lijalo tse kang lesere le sonobolomo molemong oa linotši tsa hae. Feela ntate o bo ntsitse ho sena mokhooa phepo tlatsetso nakong ea mariha.

Mofumahali Seqao eena o na le ho fepa linotši makheea nakong ea mariha feela o sebelisa makheea a boleng botlase joalo ka a kopaneng le lekhala hobane ha a amohelehe sebakeng sa batho. Mariha ke nako eo ntate Nqojane a fanang ka phepo tlatsetso linotšing tsa hae, ka ho li lemela botlebotle (grazing vetch) eo li e thabelang haholo. Linotši li fumana metsi a matle a pallang haufinyana e bile a tsamaea letlapeng joale linotši linoa hantle haholo hobane ha hona botebo.

3.1.3 Qhotsiso ea linotši

Ntate Matjobeng o na le thahasello e kholo tabeng ena ea keketso ea leruo la linotši. Ntate o eketsa leruo la hae ka ho kola linotši tse fetang ka tsela leka ho arola sehlahla sa linotši likoto tse peli me sena o se etsa nakong ea lehlabula ha hona le lijo tse ngata. Mofumahali Seqao o sebelisa mokhoa oa ho kola linotši tse tsamaea e le hona ho eketsa mohlape oa hae. Mohlomphehi Nqojane eena o bolotse hore bophelong ba hae haso tsome linotši. o bontsitse hore linotši lia itlisa mabokoseng a hae. Mohlomphehi enoa o bontsitse tjantjelo litabeng tsa qhotsiso ea linotši ka hore o batla lithupelo malebana le eona qhotsiso.

3.1.4. Tlhahiso ea linotši le lihlahisoa tsa tsona

Mohlomphehi Nqojane o bontsitse khahleho e kholo ea ho sebetsa ka propolis. o boletse hore *propolis* eka kotuloa ha ngata hobane o re nakong ea libeke tse ling le tseling tse peli propolis e ka kotuloa, e bile e fana ka chai e ngata ho fetang ea lihlahisoa tsohle tsa linotši. Polasi ena e hlahisa li botlolo tse kabang 322 nakong ea khoeli tse tharo tsa propolis.

Ntle le propolis ntate Nqojane o hlahisa lihlahisoa tse kang; boka (bees wax), khekhe, (honey comb), phoshoana e hlahang lithungthung (pollen), makheea e etsang notsi e kholo (royal jelly) le makheea a tloalehile (honey). Ntate Nqojane hape o fana ka litsebeletso tsa ho lomisa ka linotši eo ho thoeng ke pheko ea lefu la serame.



Setšoantšo 5: Lihlahisoa tsa linotši ha ntate Nqojane

Mofumahali Seqao o bontsitse hore linotši tsa hae li mo lumella ho kotula makheea habeli selemong. Mofumahali Seqao le eena o hlahisa lihlahisoa tsa linotši tse



tloaelehile. Lekhetlo ka leng le mofa leshome le metso e meraro ea makheea ka boima ba 13kg. Lihlahisoa tsena li bohlokoa haholo hobane ke meriana ea mafu a mangata a batho.

Setšoantšo 6: Lihlahisoa tsa linotši ha me Mamorena

Mohlomphehi Matjobeng le eena o hlahisa lihlahisoa tse tsonang le tse boletsoeng feela a tlaleha hore ka lebaka la pula e ngata kotulo e amehile haholo moo a fumane phoshoana e hlahang lithungthung (pollen) le propolis.



Setšoantšo 7: Lihlahisoa tsa linotši tsa ntate Matjobeng

3.1.5 Bohloeki tlhahisong ea lihlahisoa tsa linotši

M'e Mamorena o na le mochini o moholo o tlhotlang le ho sefa makhaeea a linotšing. Mochini ona o sebetsa kapele ho feta ka matsoho le hore matsaho a na le ho siea makheea. Mochini o na le sefe ea ona e arolang makheea le boka sebakeng sa lijo tse hlokileng. Boka bo sebelisoa tlhahiso ea litlolo tsa letlalo le molomo (lip balm).



Setšoantšo 8:

Mochini le lisefe tse tlhotlang makheea

Bahlomphehi Nqojane le Matjobeng ba sebelisa lisefe ho kotula makheea. Nakong ena eaho tlhotla lihoai li boloka maemo a phahameng a bohloeki joalo ka ho hlapa matsoho le lisebelisoa le ho roala liatlana tsa nakoana (disposable gloves). Mohlomphehi Matlobeng o bontsitse hore o etsa libotlolo tse lekholo le mashome a supileng a metso e mehlano kutolong ka ngoe. A supa hape hore mokhoa ona oa sefe o nka nako e telele ho tlhotla. Mohlomphehi Nqojane o hlahisa lintho tse joalo ka lipisi, sesepa, litlolo tsa mele le tsa molong.

3.1.6 Thekiso le papatso ea lihlahisoa

Makheea a sefiloeng a tselo ka libotlolong tse ngotsoeng lebitso la sehlahisoa le hore na mohlahisi ke mang. Mohlomphehi Matjobeng o rekisa

lihlahisoa tsa hae toropong ea Mohalehoek moo li sebelisoang e le lijo le meriana. A supa hore Makheea a sebelisoa ho tlotsa bohobe ha meriana e kenyeletsa oa sefuba le aleje. Mohlomphehi Nqojane eena o rekisa thepa ea hae Lesotho la Afrika boroa me boletse hore o bapatsa lihlahisoa marangrang a facebook. Mofumahali Seqao eena o rekisa lihlahisoa tsa hae Mohale's Hoek le Lesotho ka kakaretso eka sitana le Afrika boroa litoropong tse joalo ka Cape Town le Pretoria.

3.1.7 Tlholomelo le bophekoli ba mafu a linotši

Linotši tsa ntate Matjobeng li khathatsoa ke likokonyana tse joalo ka mantsoaitsoai, khoalabolokoe, liboko le linonyana. Linotši tsa Mofumahali Mamorena tsona li khathatsoa ke mantsoaitsoi le liboko tse kenang



ka hare ho sehlahi. o hlalositse hape hore serame se bolaea linotši tse ngata nakong ea mariha. 'Me o sebelisa molora le cinnamon ho thibela likokonyana. Ntate Nqojane eena o re linotši tsa hae li likhatsoa ke likokonyana tse kenang ka sehlaheng, empa taba ena o re o ile ae hlola ka ho phahamisetsa lihlahi holimo.

Setšoantšo 9: Lihlahi tsa linotši tse phahamiselitsoeng holimo

3.1.8 Poloko ea libuka leruong la linotši

Lihoai ka moka li boloka libuka tsa khoebo. Libuka tsa bona li kenyeletsa lintlha tse kang tlhahiso ea linotši, thekiso ea lihlahisoa le palo ea lihlahi.

3.2 TŠEHETSO LE PHUMANTSO EA LITŠEBELETSO TSA TEMO

3.2.1 Bosupisi

Litšebeletso tsa bosupisi joalo ka lithupelo li a fumaneha ka hare ho Mohale's Hoek. Lihoai ka hofela li hlalositse hore li kile tsa fumana lithupelo tsa leruo la linotši. Lihoai tse ling li bontšitse hore le phumantso ea thepa ho qala tlhahiso ea leruo la linotši e na le ho fanoa ke bafani.

3.2.2 Litšehetso tsa lichelete

Lihoai ka moka li bontsitse hore li tsehetso tsa li chelate ho ntlafatsa likhebo tsona ha li fumanehe ka hare ho setereke.

3.2.3 Litšehetso tsa limaraka

Lihoai ka moka li bontsitse hore li tsehetso tsa limaraka le thekiso ea lihlahisoa tsa linotši ha li fumanehe ka hare ho setereke.

4.0 BOITLHATLHOBO BO AKARETSANG

Boitlhatlhoobo bona bo ne bo sheba litaba tsa tlhahiso ea leruo la linotši ho shebiloe haholo hore na sehoai se kenya tšebetsong mekhoha e ntlhafetseng kapa eona e khotlaletsoang leruo lena la mofuta oona. Mekhoa e na ea tlhahiso e tlameha e be ele mekhoha e baballang boleng ba linotši le tikoloho eo li phelang ho eona le ho thibela ho shoa hoa linotši. Linotši li hloka ho fumantsoa bolulo, lijo, metsi, mofuthu oa letsatsi, li tsireletsoe khahlanong le mafu le lira tsa tsona, li tsireletsoe khahlanong le lichefo tse ka li kulisa kapa ho libolaea. Linotši li hloka ho phela sebakeng se pholileng se senang marata le ho hlokomeloa khafetsa ka litlhoko tsa tsona le tsa lihlahisa tsa tsona.

Kotulo ea lihlahisoa tsa linotši le eona ke e ngoe ea mekhoha ea bohlokoa haholo hobane ha ho sena bohloeki lijo kapa meriana e joalo e ka fetoha chefo mele ea batho ea bakulisa kapa hona ho ba bolaea. Lijo li tlameha ho tsoara ka matsoho a hloekile liaparo tse hloekile le meriri e koahetsoeng. Lihoai li lokela ho itserelatsa ha balo kotula e le ho qoba ho longoa ke linotši. Mekhoa ena le eona e tlameha e be mekhoha e tlisa kuno ea lihlahisoa ho sehoai le ho tikoloho joalo ka temo e ntlafetseng hoba linotši li kopanya botona le botsehali ba lijalo e be lijo li ba teng.

Lihoai tsa Mohale's Hoek li sebelitse hantle hobane li atlehile ho fihlela boemo ba mashome a robeli a metso e meli lekholong (82%) ka ho kenya tšebetsong mekhoha e khotlaletsoang.

4.1 TLHOKOMELO EA LINOTŠI LE KHETHO EA SEBAKA SA TLHAHISO

4.1.1 Tšireletso ea lihlaha khahlanong le moea le ho chabela hoa letsatsi

Lihoai li sebelitse hantle litabeng tsa khetho ea sebaka sa ho beha lihlaha tsa linotši tse se hole le lerata, boemo ba letsatsi hoseng le hara motseare, tšireletso khahlanong le meea e batang ea mariha. Mahlaseli a pele a letsatsi a thusa linotši ho qala ho fofa hobane ha li hatsetse maemo a serame le mocheso a le ka tlasa 35 likrasi ha likhone ho fofa me sena se bolela hore mosebetsi oa ho batla lijo le metsi o lieha ho qala. Lihlaha le tsona hona le tse lutseng lepalapaleng me hona ho qeteletse ho tliša ho shoa ho linotši nakong ea mariha. Ho oa hlokahala ho ba le setsireletso tsa moea o bata e kaba ka ho potapotisa ka mekotla ea khale kapa lifate tse khutsoane pela lihlaha.

4.1.2 Thekiso le papatso ea lihlahisoa tsa linotši

Lihlahisoa tsa linotši tsona li sebelitsoe hantle le hore mokhoa oa tšebetso o ne o tsoana pakeng tsa lihoai. Mona qholotso e kholo ke tlhokahalo ea mechini a tlhotlang makheea, hobane tšebetso ea matsoho e nka nako e telele.

Thekiso le papatso tsona li bontsitse hona le lihoai tsa sa bapatseng lihlahisoa joale ho ba thata ho moji ho tseba hore hona le lihlahisoa lifeng ho kae ntle le hore monga thepa a etse papatso. Papatso ea lihlahisoa e ka thusa bahlahisa ho rekisa thepa ea bona. Mohlomphehi Nqojane o tiisitse taba ena ka ho bontsa hore lipapatso li mo thusitse ho rekisa lihlahisoa.

4.1.3 Qhotsiso kapa keketso ea lihlaha tsa linotši

tse fetang e tloaelehile. Mokhoa oa ho arola sehlaha habeli o sebelisoa ke ntate Matjobeng ea boletse hore o atisa mohlape oa hae ka seo a nang le sona. Lipatlisiso li bontsa ha mokhoa ona o nchafatsa sehlaha sa linotši, o fokotsa mafu le tlhahiso eba holimo. Litaba tsena tsa keketso ea lihlaha tsa linotši ha li tsoeroe hantle, lihoai tse joalo ka mohlomphehi Matjobeng ba fumana litsehetso tsa ho hlahisa ka bongata setereke se ka khona ho itlhahisetsa linotši le ho fepela libaka tse ling ka hare ho naha.

4.1.4 Tlhokomelo ea lihlaha tsa linotši

Litaba tsa tlhokomelo ea sehlaha tsona li bonahala li sa tsamae hantle, hoba tebelo ke hore sehoai sehloele se hlaha ka ngoe bekeng, ho hlahloba maemo a mafu kapa likokonyana, le ho fetola liframe ha ngoe ka selemo, le ho etsa bonnete ba hore notsi e kholo e ea fetoloa kamora selemo, me litaba tsena ha kea li utloa hantle ho tsoa molomo oa lihoai, ntle le ntate Matjobeng moo eena a bontsitseng hore litaba tsa mofuta ono o liela hloko.

Lihlahisoa tsa linotši tsona li sebelitsoe hantle le hore

Qhotsiso ea linotši ka mokhoa oa ho kola linotši

Litaba tsa tlhokomelo ea sehlaha tsona li bonahala li sa tsamae



4.2 TLHOKOMELO LE BOPHEKOLI BA MAFU A LINOTŠI

Lihoai li bontsitse hore ba tsoengoa ke likokonyana tse kang mantsoaitsoai, khoalabolokoe, seboko se kena ka hara sehlaha. Khahlamelo ea linotši ka lithibela likokonyana haeso be qholotso tikolohong ena. Likokonyana tsena li ka laoloa ka tsebeliso ea molora le cinnamon ho eaka Me Mamorena. Ho khahlisang ke hore mokhoa ona ke o bolokehileng litabeng tsa tikoloho. Mohlomphehi Nqojane o bontsitse hore ho phahamisa lihlahla ho fokolitse taba ea likokonyana. Tlhokomeliso; Hlatsoa sehlaha sa linotši ka sethibela likokoana hloko pele o tsela linotši e le ho qoba mafu.

4.3 BOHLOEKI KA HARA TLHAHISONG EA LINOTŠI

Bohloeki ke karolo e kholo moo ho etsoang tlhahiso ea lijo. Taba e na lihoai li a tseba li ea e phela. tšebetsong ea makheea tebello ke hore basebetsi ba hlape hantle ka liaparo tsa mosebetsi tse hlatsuoeng, hlohong ba roale ba qetele ka ho rola liatlana tsa nakoana. Lisebelisoa tse joalo ka lisefe le mochini o tlhotlang li hloekiso pele le ka mora mosebetsi. Libotlo tsa makheea le tse ling li hlatsuoeng hantle ka hare le ka ntle.

Bohloeki hape bokenyeletsa ho hlatsoa thepa e sebelisoang linotši e be e tseloa ka sethibela mafu bitsong e le ho qoba mafu.

4.4 PHEPO E NEPAHETSENG EA LINOTŠI

Lihlahla tsa linotši li behiloe libakeng tsena le lijo tse ngata nakong ea lehlabula. Empa qholotso ea phepo ea linotši ke nakong ea mariha ha lipalesa lifokola. Ntlha ea bohlokoa ke hore na re boloka phepo e nepahetseng joang nakong ea mariha? Lihoai li boletse hore ha li na le phepo tlatsetso eo li e etsang. Ntate Nqojane ena a bontsa hore o lema (botle botle) grazing vetch e ratoang haholo ke linotši e bile e khona ho thunya nakong ea mariha. Me Mamorena ena a re o fepa makheea a silafalitsong ke lekhala.

Phepo ea liphoofolo tsohle e ba qholotso nakong ea mariha hobane ntho engoe le e ngoe e ea omella e be boemo ba lihaha-mele bo ea theoha. Boithuto ba phepo tlatsetso ea linotši bo bontsa hore linotši li ka tlatsetsoa ka motsoako o nang le iste ea brewery, soybean, le bese le phofo. Tlhokomeliso ke hore phepo tlatsetso e se ke ea etsetsoa kantle ho ba linotši tseling li tla ja. Tlhokomeliso e ngoe ke ho fepa linotši tsa fapohetse polasing ea hau ka mokhoa o khotsofatsang hore li tsebe ho tsitsa.

4.5 POLOKO EA LIBUKA LERUONG LA LINOTŠI

Poloko ea libuka eona lihoai li ea e etsa feela joale sebakeng sa boitliahlobo libuka tsa bona kaofela li haeloa ke karolo tse maloa joalo ka tlaleho ea sehlaha ka ngoe hore se faletse neng, sa hlahlobeloa mafu neng, mofuta oa lijo o sebelisitsoe, tlaleho ea litukiso tse entsoeng kahare ho sehlaha se seng le se seng. Tlaleho ea tlhahiso ea sehlaha ka ngoe, palo ea lihlaha kaofela, thekiso, litheko tsa thepa ea mosebetsi. Lihoai taba ena li e etse hloko me kamoso libuka li tla nepahala.

4.6 BOEMO BA BOTSEBI KAPA LITHUPELO MABAPI LE LERUO LA LINOTŠI

Mona moelelo e ne ele hore na hona le lihoai tse kenang ka hara leruo la linotši ba sena leseli ka tlhokomelo le litlhoko tsa notsi. Hape taba engoe ke boithuto hore na ke liphoso tsa mofuta o feng tse ka a mang notsi, tikoloho kapa sehoai ha se qala mosebetsi se sa kena lithupelo. Ho fumanehile hore bontate le me ba kene ka hara leruo la linotši bana le leseli leo ba le fumaneng lithupelong tsa UNDP.

5.0 LIQETO LE KAKARETSO

5.1 LIKATLEHO

- Litlhoko tsa lelapa li khona ho phethahala
- Chelete e kenya bana likolo
- Tsebeliso ea lihlahisoa e etsa biphelo bo bottle
- Ho thusa batho ka litsebeletso tsa bongaka ka lihlahisoa

5.2 LIQHOLOTSO

- Linotši lia baleha li siea lihlaha
- Tlhokahalo ea thepa ea li sebelisoa joalo ka mechini e tlhotlang makheea
- Makheea a kopaneng le lekhala
- Likokonyana le ho shoa hoa linotši mariha
- Tlhokahalo ea limaraka tsa lihlahisoa tsa linotši
- Tlhokahalo ka koetliso holima qhotsiso ea linotši

5.3 LIKHOTHALETSO

1. Lihoai li lokela ho ntlafatsa maemo a lipoloko tsa libuka ho kenyeletsa li taba tsa bophelo ba notsi, mafu, meriana e sebelisitsoeng le litaba tsa litukiso ea sehlaha ka holimo ho litlaleho tsa tlhahiso le thekiso ea lihlahisoa.
2. Lekala la temo le tsoelepele ka lithupelo ho kenyeletsa le ntlafatso ea notsi, mafu a linotši le phepo tlatsetso ea linotši.

3. Lekala la meru le kenye letsoho litabeng tsa ho ntlafatsa likhoebo tse a mang linotši e le hore litsebeletso tse joalo tsa lichelete le li maraka li ntlafale.
4. Bacha le basali le sechaba ka kakaretso ba kene tlhahiso ea leruo la linotši e le ho fokotsa sekhahla sa lihlahisoa tse kenang ka hare ho naha le hore litjeo tsa ho qatala khoebo li tlase empa phaello e ngata.

6.0 LIBUKA TSE SEBELISITSOENG HO HAHA TOKOMANE

1. Harry Laidlaw and Robert Page (1997). **Queen Rearing and Breeding**. The “Bible” of queen rearing and breeding.
2. Lau, Pierre & Nieh, James. (2014). **Drinking dirty water: Why do honey bees (*Apis mellifera*) collect agricultural water and urban runoff?**
3. Melissa Caughey (2015) **8 Proper Beehive Placement Tips**
<https://www.keepingbackyardbees.com>
4. Smith JA, Flowers P, Larkin M. (2009) **Interpretative phenomenological analysis: theory, method and research**. SAGE, London
5. The Honey Bee Health Coalition (2019). **Best Management Practices for Hive Health**. A Guide for Beekeepers.
6. The Australian Honey Bee Industry Council (2007) **National Best Management Practice For Beekeeping**, In The Australian Environment
7. Vanessa Corby-Harris, et al. (2018) **Emerging Themes from the ESA Symposium Entitled “Pollinator Nutrition: Lessons from Bees at Individual to Landscape Levels,”** Bee World.
8. Xuan Luo, Yating Dong, Chen Gu, Xueli Zhang and Haile Ma (2021) **Processing Technologies for Bee Products: An Overview of Recent Developments and Perspectives**, Frontier Nutrition.
<https://doi.org/10.3389/fnut.2021.727181>
9. Zachary Huang (2010) **Honey Bee Nutrition**, American Bee Journal



Address:
Moshoeshoe II Corner
Maseru 100
Lesotho

Contact:
Tel: +266 2232 7009
Email: info@lenafu.org.ls
Website: www.lenafu.org.ls